

fuisse arbitror, feracissimum Viperarum proventum, quæ plerunq; bis in anno prægnantes quinquaginta catulos pariunt. Ego nullo modo adduci possum, ut credam, illos existimavisse in hominum perniciem, sed ad securitatem, & humanæ vitæ propagationem & salutem, D E I Opt. Max. humanis rebus consulentis beneficio donatas, collatasq; fuisse: omne enim vitæ periculū earum morte exolvitur, si ictui contusum caput superponatur. Propterea mirum non est, si olim apud Romanos, qui omnia noverant, perquisiverātq;, Viperam pro salutis symbolo, cum publico tum privato, ex Augustorum quinta & septima figura numismatum, sumptam esse colligitur; & alibi inferius. Quod & ex primo Solis numismate patet, qui cum omnium vitæ auctor, conservatorq; sit, ex his eisdem Viperis cum longiorem, tum magis salubrem, ac tutam vitam ab antiqui traductam esse, significatur. Huius quoq; rei signum manifestum est, eòq; maxime apparet ex sexta figura, quæ magni illius Hippocratis à Coorum Republica fuit in Civis sui satis insignis honorem, qui baculū cum Viperâ sustinet, ceū Vipera humanæ vitæ sit adjumentum. Hoc pariter insigne Æsculapio prius fuerat consignatum, quod etiam publicam & privatam Augustorū salutem

salutem